

四庫全書

集部

欽定四庫全書

江湖長翁集卷十三

宋 陳造 撰

七言律詩

次王仲衡尚書韻

著脚功名馬絡頭人生君所幾居州惟公德操朱絃直  
映世冰壺白月秋久已短長冥尺寸可須骭髀兼伊優  
即今千里謳謠地贏得揮斤五鳳樓

次韻石湖居士晴窻遣興

閨門車馬隱晴雷我亦臨風詠快哉平碧際空煙幕歷  
薦紅照影水縈回園翁門巷初沾絮遊子杯盤欲薦梅  
落晚小家還饌客旋筍春瓮取新醅

次韻石湖居士遊虎邱

山靈知我欲巾車岫幌雲扃已袂除竹葆松幢平几席  
碧煙紅影認林廬飯分禪供清無敵飲屬詩流興有餘  
莫話長安牢石客付渠塵土曳長裾

寄王仲衡尚書

世態翻雲覆雨間，令人合眼夢還山。  
生平名義非肝膈，歲晚師門要面顏。  
鷗鷺波寬雖有約，鳳凰城近可容閑。  
留年看試調元手，未擬安仁賦拙艱。

贈陳簽判

訪陳方  
關門飲

熠熠螢光畧露荷，搖搖盃面漲金波。  
受風正作團欒飲，閉戶深防襍襪過。  
情話想無雲母隔，新篇應有雪兒歌。  
揆予可諱劉郎笑，講舌長乾鬢自皤。

京口呈張閤學

歸懷未用話南園卧治于今又北門但息兒啼寬上意  
小稽霆擊取中原虎頭銳視非無種猗子當觴且勿喧  
更恐譚公家世事斷無宣勸定驚魂

時近北  
客故云

色辭他日慰淒涼別去吳山楚水長蟻國槐安消幾夢  
鶴歸華表恐千霜安排久饜冷官飲軟語重登君子堂  
所惜將迎無暇日妨人詩律悟濠梁

題成倅小築

主人領客竟成遲閑殺林園此段奇勝日阿蓮須後乘

即今佳菊尚東籬肯來雪壁題詩處許繼華堂墮幘時  
醉後與渠同起舞一庭花影月迷離

皇孫壽詩二首

寶祚煌煌美帝祺天潢餘潤到孫枝壽星良月占重見  
振古熙朝此一時椽筆紀祥芳草頌龍樓開笑正含飴  
蘿圖况與乾坤永長款三宮奉玉卮

曾選蓬萊挹德風日親儒保罄寅恭學窮典閭包賢聖  
人仰英明肖祖宗綵服近天仍樂孺帝觴拜賜更從容

應劉壽語年年事九萬香牋未闕供

酬賈學錄韻并送炭

何人戴目倚錢神更問吾徒拂甌塵  
醉纈不供詩客眼弊裘應笑廣文貧  
坐看十日澠為雨遙想千家桂作薪  
貸子曲身當得句地爐分施臘前春

次陳夢錫韻二首

薄雪晶瑩壓屋茅未須桂玉計晨庖  
已便鹽絮明愁眼更喜烏鶯得夜巢  
小聽騷人賦梁苑旋看春意滿東郊

忍寒便擬尋梅去夢想瑤英點舊梢

思君采艾歎如年眼底羈愁只自煎  
破夢有來驚剝啄衝泥徑欲跨連錢  
新篇端復千年計舊集猶須百手傳  
早晚聚頭三日語塵邊閑聽有源泉

次韻朱解元雪

掉頭取別未經旬已積胸中幾斛塵  
密雪忽明銀海夜端憂空負玉花春  
筆驅和氣君何健囊致新詩我未貧  
勝日兔園當有賦可能客右欠斯人



次韻陳夢錫

手板黃緣替荷鋤從渠爭挾子公書三年已辦青箱蠹  
一飽纔分代舍魚煙燼其爐朝兀兀窓明風霰夜踈踈  
獨思把酒看君醉墨汁淋浪點翠裾

約二同年游虎邱

兼旬閉戶耐寒威起視晴空碧四圍黃鳥啼邊忽游子  
白龍去後漸單衣年時尚記尋芳約老境仍憐得醉希  
紅影幽香虎邱路杖藜携酒莫相違

次韻陳倅趙宰雙竹

兩君深結此君緣  
白裏蕭森墮我前  
筍茁便應欺瑞麥  
詩成端合付雙蓮  
窻間儷影斜新月  
風處駢梢裊綠煙  
會擬韓公頌連理  
為渠小輟枕書眠

寄王尚書

一昨家庭拜帝綸  
熊轡催去不逡巡  
小遲繡袞昇元輔  
復向蓬萊作主人  
竹馬未迎歡意浹  
蒲鞭重試教條新  
詩賡樂職諸生事  
筆力誰令幹萬鈞

次韻嚴上舍

待月尚思前度月中天圓璧不留分  
即今霜氣挾靈籟如許金波乘壞雲  
念我吳牛終喘夜憶君冀北忽空羣

文炳時已就他館

睡魂作魔病作祟猶賴清詩來解紛

次韻朱通判嚴上舍

蜀莊漂泊闔閭城獨向陶朱意氣傾  
詩寫閑情易為好雨塵炎暑欲爭清  
居同蟻穴晴猶閉歸笑鳩巢老未營  
久擬投君渠保社援毫空復可憐生

君家名酒壓吳城肯向時流取次傾  
箇玉誰今窺正色  
班荆渠定賞真清  
雙壺問字寧能許  
一醉留賓不辦營  
莫惜驅車餉元亮  
須防結轡要王生

再次韻二首

萬手抄詩遍洛城  
老懷可但向來傾  
采菱白雪方迭奏  
蜚雨曉風相與清  
價重欲輸和氏璧  
令嚴誰犯伏波營  
即令貂尾那容續  
更判工夫費此生

子元才望未專城  
玉面醪敷且細傾  
寵辱盡捐身外事

醺酣聊樂聖之清分甘亦復憐吾老飲濕終慙不自營  
歸去須君傳此法秫田百畝便平生

再次韻後篇戲朱

淙淙雨勢欲沈城袞袞辭源亦對傾闢戶渾疑雲氣近  
誦詩如在玉壺清射知猿臂須穿札陳怯魚麗且閉營  
只把兩君新句法為歌豐樂詔諸生

似聞新醞敵宜城想對簷花又獨傾別乘工為海鯨吸  
廣文當念露蟬清投醪頻遣春浮頰盜印寧無夜闌營

約束長鬚牢閉戶  
瓮間防有畢先生

苦雨再次前韻

後詩謝  
許送酒

席蚓堂鼃豈趙城崩空急雨未休傾青秧可復成堅卓  
碧海渠能受濁清田舍望秋猶萬一官曹需祿更征營  
寶熏定有回天力即看朝曦指顧生

底用詩名到鳳城未妨醉帽笑欹傾日聞螟蠃譏狂率  
目送鯢鵬遙紫清譚客有時三不對生涯除酒一無營  
鳴鞭走送君能斷小印親封定好生

試院贈三同官

八月十二日

果飮茶甌意未闌，獨慙衰鬢映朱顏。  
聚頭長作三更語，屈指惟餘兩日閑。  
食葉蠶聲行入聽，探珠驪頰不應慳。  
預憐朱墨秋宵永，咫尺燈窻斷往還。

歸有日喜作

夜燈晨飯棘圍重，檻束飛猱鶴在籠。  
敢效騷人悲迫阨，祇防舉子誚冬烘。  
搏風定有莊鵬化，得雋從知冀馬空。  
明日還家壓新酒，菊登金蘂拒霜紅。

次韻袁提刑勞軍許浦中路風雨

方隅咫尺儼威顏窮谷回春不作難  
渥澤欲隨金節到先聲已失鐵衣寒  
來時敢憚風將雨泊處仍聽浪卷灘  
天自與公供壯觀海涵雲物正闌干

次韻常孰感舊

詩囊隨處紀山川古縣繁雄更海邊  
按節將春巡甲壘循陔回首記丁年  
綵衣尚念親三釜芝檢終當歲九遷  
移孝為忠賢聖事期公迄反汶陽田



次韻犒士

萬竈連連儼舊屯朝來喜氣襲人溫  
固知除器須平日政復投醪亦至恩  
帝綍函春周壘壁使星回耀照和門  
文經武緯君王聖汗簡須公紀治原

次韻回塗打水欲遵陸

轉頭風日破堅冰未用穿危冒滑行瀚海無波聊整棹  
陽春有脚莫論程詩情動處髭頻撚使事閒時酒細傾  
馮問逢迎黃髮叟里間驩意為誰生

別趙文卿明府

人品推君第一流，論文向我肯綢繆。  
日從紅粉追譚笑，家置青編紀唱酬。  
轉首各乘鳬背去，幾時同作鳳城游。  
臨風莫道書難寄，旅鴈飛還是便郵。

次韻袁丈知府喜雨

使君今代段荊州，指顧為霖旱不憂。  
比屋便令開笑口，散人亦復掉吟頭。  
封君擅富寧容數，義廩賙貧可待求。  
想閱賀章天更喜，津津玉色動凝旒。

次韻袁憲雪二首

犯雪回帆歲遽殘，自憐雨溢更風慳。  
從遊已落鄒枚後，著語渠能季孟間。  
夢逐蜚僊凌色界，誰因逋客護雲關。  
獨思快目毗陵曉，玉襯金波妥錫山。

塗中壯觀如此

天憐梅蘂怯摧殘，善後何妨小作慳。  
一雪應期真望外，三詩說喜想顏間。  
瑤花已兆食四鬴，沉炷為通天九關。  
捲帳盍疇民氣樂，蘇臺持酒挹湖山。

贈趙步帥

出處升沉轉首非無端  
顛倒念分違瘦羊博士尚骨立  
白馬將軍今肉飛共仰鈎陳明帝極少須尺筆下金微  
為公草罷平羌檄徑指淮鄉舊釣磯

壯觀亭為真州作

頻年入夢此躋攀驟覺平時氣象還  
吳客到應忘月觀  
淮鄉勝不數平山飛檐曲檻霄霏處  
疊嶂橫江几席間  
見說能詩好賓主風雷落筆每乘閑

次韻吳江陳學長送行二首

詩人六十合恩袍平日周庠重譽髦舊學堪重漢儒席  
新文欲僕楚人騷等觀得喪心無累飽閱豪英眼更高  
聞道青箱富嘉頌詔音早晚召王褒

白首詩書未亢宗還紆墨綬揖王公玉堂金馬拌身外  
法護僧彌且眼中自詭噓枯疇雅志肯從東濕就奇功  
垂虹高士知心客定信襟期出處同

次韻張丞月試士人

居有齋庖教有官諸生肯復計安閑充庭數貢知非遠

造物于人本不慳，思苦得無金注拙。眼明終眩錦花斑，  
自憐慣秉雌黃筆。案牘如今挂屋山。

次韻答張丞

顧省辭華分槁乾，簿書堆裏作簷官。客懷止飲仍多病，  
海氣乘秋早戒寒。好語相濡真禁臠，不才持答欠琅玕。  
從今惡況能排遣，日課君詩一再觀。

次韻張丞二首

夫君腹笥盡奇謀，每叩談鋒聽不休。誦賦久嗟無此作，

薦賢端合拔其尤小遲榮路觀掀趨聊為同寮蓋謬悠  
政恐諸公有推挽平時果藝仰由求

槁梧閑據自沈吟投老真成負此心酒沃渴鯨悲事往  
官隨跛豔笑吾今進為終愧周人朴歸去曾無陸子金  
尚賴君詩慰牢落時清聾聵發純音

再次韻二首

銅墨才為一飽謀還因跋寔賦休休南州習俗難馴擾  
北客迂疎易悔尤世味辰星今落落歸心風旆正悠悠

知非況自五十九為問衰翁底更求

自揖高人擁鼻吟湖濱詩酒便論心天教聯綬同民社  
日許挑燈訂古今刺眼未妨翻著屐躍爐寧問不祥金  
簡編自有千年計遲子追還正始音

次韻周秀才

暇日枝筇對搖落衰年悲感為誰多政疎里俗有囁咕  
身遠貴遊無孰何耐病阻陪吹帽醉祛愁聊復擊鐃歌  
詩來起我湖海興夢逐狎鷗分白波



正覺寺

細穿詰曲上高寒一鷺青冥杳靄間  
欄楯欹浮滄海影東南重見紫金山  
方壺入眼鯨堪跨壁月依人桂易攀  
聞說老禪佳寢飯一生無夢落塵寰

次韻張丞

邦人邑吏總堪憐茶供爐熏共籲天  
占雨幾孤霞絮曉望霓何啻日為年  
翻黃已熟村村麥平綠行看處處田  
擬倩龍公作霖手更煩終惠息頭燃

諺云朝霞不出門近頻有此亦復不

驗故  
云

次韻任解元喜雨二首

寄語今年主雨神當知小雨未康屯人心正切霽霓望  
農事深愁晚晚春朽壤舊嘗封蟻穴停雲空復疊魚鱗  
鰕生宿蘊天人學無計王前拜手陳

俗謂魚鱗  
天必雨

跪奉爐香幸見憐人言匹庶可回天及今一覩盆傾執  
滿意重占斗覆年僅息黃塵昏永晝幾時翠羽冒中田  
此心安得頑如石水旱豐凶付偶然

次韻陳秀才二首

其父在獄有詩哀鳴為弛其禁作此答之

吏治因循俗已疵，可無柱後濟寬慈。  
顧慙德化一何取，敢意古人三不欺。  
剔蠹方圖洗熏染，放麇端復甚衰遲。  
成君今段萊衣笑，莫更風前賦百罹。

七字開緘粲陸離，元非劍氣燭園扉。  
夜光信出老蚌殼，錦段遽分鄰女機。  
庭賦繼今行北闕，市娼過眼忽南威。  
蜚騰可但榮親計，我亦他年得僑歸。

元日

爆竹聲中雜笑呼  
斗杓插海寺鐘初  
椒觴帶夢隨小飲  
桃板得詩仍自書  
愒日晚塗知內訟  
占風吉卜定非虛  
新年舊管新收累  
大府隆寬儻貸予

次韻張丞

是日  
忽晴

縣人燈夕舊嘗看  
夜敞窻扉曉不關  
勝賞繼應追俗尚  
晴暉巧與破天慳  
招邀便擬日復日  
容易遽吟山上山  
更乞紫姑豐樂語  
為添喜色到顏間

張計為  
越行

再次韻

長日官曹迄未閑佳辰一笑頗相關萬情同樂那容失  
四者來并每坐慳歌酒恐孤燈市月煙霏猶曠海門山  
龍公可復會事發汎掃陰靈彈指間

再次韻

未燈夕張丞送詩再往返矣  
十四日丞飲借三妓遣往

好時好節工惱客投老祇思深閉關鶴膝痛醫終是病  
蛾眉公奪豈容慳浩歌已減落梅曲苦思更妨頽醉山  
冷語陋姝何所似貧家矮屋劣成間

十四夜丞和章來復次韻

是夕陰  
無月

衰年寢食僧齋似甚欲持盃解入關桂魄元非月蛾斲  
菲蒞終笑瘦郎慳不成小醉穿燈市又作相逢嘲飯山  
思澁徒貽山婦怪羨渠飛雉落黃間

十六夜張丞有詩次韻

燈夕勝遊皆還意可無謔酒答豐年雲藏玉斧重修月  
樂奏壺僊小隱天鴈陣低空危欲墮龍公驅雨未成眠  
惟應鐵鎖銀花句落紙明朝萬口傳

張丞再有詩次韻

仰高排鼻玩清圓學力卑摧舊判年後進或夸金擲地  
前修猶是斗橫天晚規省語安衰病暇復分題攪醉眠  
祇有君詩追古作未忘絀素遣兒傳

再次張丞韻

十六日作假風狂雨  
橫無聊就枕復作

龍職陰晴肯轉圜寒侵春事倍常年彌旬稔聽盆翻雨  
一室何殊甕裏天多病可堪嚴酒戒高春未慙枕書眠  
忘憂蠲忿疑無策小草論功亦浪傳

次韻王簽判

奧學間君不近名聲華猶是壓時英詩篇向我肯揮掃  
句法驚人渾老成未厭泛蓮依衛幕只今薦鶚達周京  
明朝置酒當投轄萬斛洪源看倒傾

次韻自序

丁年拾芥視功名可但紉蘭茹落英深愧官曹無所補  
向來志願幾餘成分營伏臘耕淮壤久絕音郵到帝京  
尚有好賢餘習在老懷端合向君傾

次韻戰艦



下瀨千艘舊擅名漢家虜將况飛英呼韓款渭人胥後  
小耿平齊事竟成擊楫定無違廟筭覆盂端有奠神京  
聖君動靜天人合持滿何妨亦定傾

次韻招飯不赴

吏能儒業實慙名晚喜論交益代英千里久勞魂夢往  
一歡猶阻咄嗟成粲花論勝違頻聽擊鉢詩工况莫京  
別後樵溪繫望眼此心川水漫東傾

即事

江漾晨光入縣門樓斜晚影到漁村海聲不為無風靜  
山色居常帶霧昏問俗即今防愒日來時撫事錯銷魂  
浮生寄寓君恩重未覺天涯異故園

勞農淨居贈皎啓二僧

勞農今喜復南轅夾道扶攜亦笑誼縣尹庶幾無疾病  
山人迎送耐頻煩  
毛葱湯餅聊堪飽出瓮春醪半帶渾  
惟有為民真實意異時陳迹付公言

題林監稅漁鄉小樓

半是蜚軒半是樓主人雅趣寄滄州晨霞暮靄紛濃淡  
越舶番檣閱去留徒倚想君舒醉眼從容須我掉吟頭  
病來止酒便高卧幾夢煙波沒白鷗

九日登樓

海上重陽率多風  
雨邑寄罷飲作

縣曹逢節猶忙迫陰雨乘秋每接連九日歡娛異前日  
幾年晴霽有今年湖山入座褰珠箔茱菊按香薦玉船  
帽委西風判一醉故人應未笑華顛

鑑湖道中

風煙佳處放歸橈  
吟坐蓬牕首屢搔  
萬壑千巖爭獻狀  
三江九堰自忘勞  
尚多菡萏張秋錦  
少待蟾蜍印夜濤  
繚碧森青誰子宅  
未容載酒訪清高

言懷二首

此身與世分相違  
可是平生不見幾  
知己方占白雞夢  
寸心已傍碧山飛  
周旋觴詠須三益  
斟酌行藏欠一歸  
甓社湖西隱君子  
為翁應掃釣魚磯

自是三生賀季真  
亟應收拾水雲身  
蜚鳬吏隱聊同俗

飯糗生涯且耐貧，林壑風煙當未憊。  
利名韁鎖聽橫陳，世間靜者猶張邴。  
老境婆娑定笑人。

贈陳居士

居士不娶居林氏樓與一神童處教而成

昏宦冥冥墮急流，羨君高謝此籠囚。  
能詩似是林和靖，博古寧慙許散愁。  
上藥化金纔頃刻，虛舟觸物信沉浮。  
何時我亦休官去，對卧元龍百尺樓。

次諸公韻

歸高郵張守卽日招飲次韻謝之

回首舟餐野店棲，何殊子美詠青泥。  
竭來賢將先回眄。

徑上詩壇許命題舉白爛陪山簡醉凝香到有武陵迷  
異時過計今方悔曾慮談間彼子西

對雪小吟次前韻

時使君留嚴文  
炳偕師文飲

翻鴉啁鵲暝爭棲舞絮郊原雪水泥已綴瓏璵分檜栢  
併揚光彩賁櫨題撫鬚句好無前舅索酒人歸有後迷  
客子鬢毛今愧此忍寒挾策市橋西

再次韻謝張守得新居

得巢歸翼愜卑棲尚卷風茅落凍泥病樹緣階旋培植

舊書堆案細籤題地非新野聊龍卧人似東屯賸客迷  
身世只令供冷笑百川東注月行西

再次韻呈張守

烏衣雖燕正依棲又見南風遞赤泥宣室殊恩子夜對  
天章清問御書題可無上藥蠲民瘼有待司南覺世迷  
好在論功繼臯益毋庸問管瀆曾西

再次韻

朋舊攜持過陋棲炊香滃雪鱸拖泥酒澆礪硯聊娛老

詩慙酸寒最切題種秫集功今有約對棋銷日不嫌迷  
千奴別去平安否時欲擎舟覓社西

間盱眙北使信感事再次韻

漠北陰山合故樓函關底限一丸泥幄中已辦吞青海  
甲外寧惟馘白題犁老上庭煩指顧笞中行背問顛迷  
提封舊物渠須計一候鞮汗更向西

雪晴再次韻

璇穹瑩澈晴風後曉日初融陌路泥老檜蒼筠潏動色



迎春送臘好分題  
藏春僧閣心曾戀  
闕海山亭夢到迷  
回首桑陰三宿舊  
鄮城東去虎存西


對客再次韻

客來一笑同鄉味  
便粉秋菰雪藕泥  
糟浥子薑仍舊法  
籠緘乾笋儼新題  
白魚紫蟹空濡沫  
窘鬼驚麋想碣迷  
自揣臞儒合蔬糲  
放麀終恐愧巴西

述懷再次韻

高車駟馬笑雞棲  
亦笑鋪糟與汨泥  
魯酒得閒聊復飲

晉興投老偶然題春水自水收新悟雨矢無鄉悔舊迷  
尚有平生山水癖未妨遊戲向京西



江湖長翁集卷十三

欽定四庫全書

集部

江湖長翁集卷十四

詳校官庶吉士臣吳烜

主事臣呂雲棟覆勘

覆校官博士臣劉光第

校對官典簿臣劉景岳

謄錄監生臣林大本

謄錄監生臣沈毓鳳

欽定四庫全書

江湖長翁集卷十四

宋 陳造 撰

七言律詩

次韻嚴文炳兼簡張守二首

嬉遊有願自今償  
回首春容已浩茫  
霽景偏遲張錦地  
小園秀出卧雲莊  
梅林破玉香沾袂  
池水搖漪綠泛堂  
茶具筆床陪語笑  
未妨日飲慰還鄉

梅梅柳柳護深行  
倦客重遊眼更明  
谷鳥自應尋舊約

渚蘭潛欲換新萌詩工已可醒人醉賦就當須冰坐清  
老我客渠真得計夢魂無復鳳凰城

文炳許作賦

再次韻二首

宋璞隋珠不當償平時佳思墮荒茫老規種秫師陶令  
備有前茅愧楚莊蜂鶴攪腸空軋軋鸛鵝嚴陣怯堂堂  
即令全勝輸公等自占床敷霸睡鄉

欲轡青驄試小行擁衾待得曉牕明端知霽日渾無價  
可信啼鳩識未萌勝處風煙堪一醉是家池館擅雙清

不憂兒輩妨人樂倚賴詩豪五字城

再次韻二首

郡政只今多暇日名園欲到指蒼茫能詩有客憐侯喜  
好士惟公繼鄭莊促膝未妨澠似酒轉頭當復玉為堂  
聯金綴玉真吾事賸刻堅珉表士鄉

近墅何妨一再行後車應著老彌明詩成直壓枋榆上  
譚勝寧容鄙吝萌鷗鷺一灘窺語笑松筠千挺峙寒清  
從今好繪斜川集莫靳流傳到帝城

再次韻張德恭二首

公家父子書林傑，力探希微析混茫。  
膝上風流識文度，儵遊領解契蒙莊。  
六花陣勢容摩壘，五鳳規模見肯堂。  
自歎吾兒豚犬爾，祇宜耕牧守窮鄉。

平日疎愚但意行，每從師友仰高明。  
如君況是庭蘭秀，向我防譏凍芋萌。  
栢悅懸知待松茂，渭流終不溷涇清。  
新詩應敵纔餘事，紙價于今貴列城。

文炳近歲節感愴作詩寬之



巖侯才氣舊無朋  
晚作江淮肉食僧  
飽對風煙吐膏馥  
時因節物動銷凝  
君今宛是林和靖  
我亦何如杜伯升  
濁酒寒菹共一笑  
未妨同剔課詩燈

再次韻復文炳

君猶芹泮老賓朋  
我似房公再世僧  
煙徑幽尋春澹沲  
月牕冷語夜澄凝  
人情感舊多為祟  
酒盞澆愁更計升  
笑命棋枰同永夜  
旋添篝火上篝燈

再次韻呈張守

使君劉白信其朋笑我頑然粥飯僧打睡正便簷日煖  
味詩還喜蔗漿凝破陰風軟梅猶小弄影雲疎月漸升  
一自藏鈎得新句莫停吟筆到燒燈

再次韻贈張德恭

老尋詩法得良朋轉處驪珠悟後僧帝所宮商中夜奏  
仙盤沆瀣未秋凝樂天不幸逢元稹季友而來有彥升  
交手當家親父子為君別本記傳燈

再次韻二首

辭鋒森列看分朋退作窮山苦行僧每讀嚴詩驚我倒  
亦知舜績待公疑絲綸指日從天下閭闔摩霄接武升  
更想班衣奉親壽五雲低護九枝燈

闕門不乏遠方朋辟席渾如問話僧筆底煙雲無盡藏  
譚間霜霰不寒凝身行建德歡謠裏人在春臺瑞日升  
老子生涯漫省擁書猶傍短檠燈

再次韻

同門誰定肯論朋拙似苔鳩嬾似僧病減不辭詩語拙

歸來少貸客愁凝老欺鬢髮絲千丈糴仰官倉日五升  
臺閣中天清夢斷分眠山店問漁燈

都梁塗中

西來行路未妨長敢指淮山作異鄉隨處饋漿驚御寇  
有人醺藥話韓康柳方弄色新經雨雲似多情巧護霜  
風俗淳龐節物好一樽時與倒詩囊

謝鄒祕正惠淮白呂判院送酒

簷鵲聲前拆鴈書雙材有底到蝸廬潔樽幾夢沾膏露

下筇于今薦腹腴仙府流霞端伯仲徐州禿尾但臺輿  
寒人醉飽何緣靜徑攪詩腸撫白鬚

寄章茂深郎中二首

州麾郎省未華顛解組歸來作地仙杖屨良多閑日月  
亭臺仍占好林泉青奴白牯冰壺裏墮絮漂花醉眼前  
政用著書傳我輩未須緘口縛枯禪

章酷  
好佛

立譚當日受知深不待陳情道古今高會幾陪山簡醉  
長篇許為愛卿吟歲華遷謝心雖在世路崎嶇老不禁

擬近卞山謀卜築借公泉水濯塵襟

嘗約訪卞山久未果

自適三首

自憐老瘦仍癡絕每強衰顏趁後生療癖無方了詩課  
迷魂有寨對棋枰繞床不著阿堵物玩世何須身後名  
倚賴兒曹解人意典衣長得解餘醺

渺漭湖天入短篷心期祇許白鷗同人言火食閨蓬客  
自命官身田舍翁酒可銷閑時得醉詩憑寫意不求工  
更那長日溫書眼一送飛鴻下遠空

雲水為家百累無意行從昔畧方隅飲忘醒醉狂常爾  
夢到無何午未蘇遺俗可辭翻韞錯付渠陰作負舟趨  
撓撓禮法工相聒閉戶仍防大小儒

正月十四日雪

鄉園燈市頗豪奢客子扁舟恰到家月姊層雲藏寶鑒  
雪神千手撲天葩未容火樹陪宵燕謾說江梅擅歲華  
苦憶醉穿羅綺陣小軒吟度赤城霞

送七子赴省

旋轉璣衡運化樞嗣皇襲六待耆儒斗南譽望俱難匹  
鄴下才華舊不孤郡賦今推作者並王庭可但諍臣趨  
竹林昔隱休回首四輔三公此首塗

次韻胡元善

柳間鶯友羽衣輕花外溪流鏡面平勝處過君時得醉  
今春屬我老歸耕吏塵祗可黃梁夢棋社聊尋白鷺盟  
猶計浮名孤樂事風煙滿眼得無情

張守招隱

是日王勉夫到明  
日嚴文炳之吳中



春風吹作萬家春誰得聯鑣從使君  
微徑問花同載酒深堂剪燭細論文  
王郎把臂簪仍盍巖老呼舟首又分  
安得雲龍隨上下佳辰不復嘆離羣

次韻張守勸農

是日雷

東郊春好近清明小隊相羊為省耕  
扶路人歸皆喜色應時雷殷亦和聲  
不妨密雨催花放有底屯雲妬月盈  
遙想一尊同客夜燭花未剪已詩成

再次韻

眼向囊書老不明  
合遵寬教事農耕  
雨餘驟變菖條綠  
曉起欣聆布穀聲  
譚笑俾民無死徙  
豐凶轉手有虛盈  
衰翁倍荷殷勤意  
緘致無非翠織成

次韻王勉夫晚春

送春無酒未須嗟  
却有新茶試大家  
便愜輕涼生小扇  
獨憐撲簌下薦花  
霜膚解籜初嘗筍  
怒癭因誰擬問蛙  
嘉樹著行森羽葆  
翠青疎密儼排衙

次韻張守遊趙園

躬挽慈輿訪小園徑，  
輟和氣滿壺天。微風會意祛輕暑，  
紅藥多情駐晚妍。欬唾生春見能事，  
平反供笑掩前賢。  
奉親得句無窮樂，不學狂生卧酒船。

次韻張守王勉夫二首

兩雋詩聲敢重輕，蒼山對峙大川傾。  
形為幼眇無遺恨，有入題評莫遁情。  
未許曹劉夸獨步，不應邾莒合逃盟。  
清篇讀罷重看鏡，似覺青絲鬢脚生。

世味平時虫臂輕，獨留意氣與君傾。  
向來繾綣資磨玷，

擬話分携已愴情  
盛際功名方策足  
他年車笠肯渝盟  
漢廷取重張廷尉  
可待區區結轡生

再次韻送張守

目送歸帆風翮輕  
贈詩還笑字欹傾  
如公風義仍知己  
計我隆污合用情  
想覲龍顏新得意  
未忘牛耳舊同盟  
周旋尚可諸公後  
肯放江湖了此生

再次韻三首

未解州符累已輕  
辭源滿意酒邊傾  
顏顏前輩真無愧

褒拂迂儒每過情老境更堪聽別語書郵當復固齊盟  
吳山正合供酬唱安得風前兩翼生

唾壺聲裏晚涼輕風自虛徐月自傾詩好要從知者道  
格高今識古人情三熏誰定分膏馥十襲吾方守詛盟  
預恐幽居念離索時須開卷慰愁生

性資涼踞繫時輕青眼惟公底裏傾砥柱頽波儲碩望  
陽春窮谷見高情青冥蜚上應回首陸續詩來可待盟  
念我老無當世意擬從樵牧寄餘生

次韻常倅俞君任二首

匆匆同醉記前年客路重逢亦偶然  
理窟扣君彌入域生涯憐我欠加鞭  
了知富貴難投足共約歸來徑息肩  
舊欲將雛卜鄰去未應須辦十牛田

與俞甲寅倉卒三  
杯即別南徐再會

約共歸  
休甚銳

與君顏面各臨年同滯江湖恐不然  
虎兇向來甘曠野驂騑寧復待揮鞭  
政成合進凌霄步客裏猶擡斷句肩  
人品國華君可仰豈應學我賦歸田

又悼石湖老人

老商笑不待三年枵腹人人得果然商俗均霑傳巖雨  
中行羞死繞朝鞭探原已如丘軻哉落筆聊羞屈宋肩  
緬想神遊知有處定驂鸞鶴戲芝田

再次韻酬俞君任

闖首亨衢屬壯年即今奔騖恐徒然時情合退羊腸步  
宦路難加馬腹鞭朱紫浪驚流俗眼風騷要拍古人肩  
歸休計辦君當賀兒輩新營種秫田

再次韻呈楊侍郎

左符得請未逾年民譽朝評兩藹然補袞工夫舊荷橐  
承流政績暫蒲鞭周衡可迓須分陝孔室容窺顧及肩  
側佇翹材著枚叟看公親反汶陽田

楊侍郎召飯再用韻

昇沉渠敢話齊年妙句推褒輩行然高燕況叨瓊作醴  
凡駘底稱玉為鞭歌終畫扇猶遮面舞困欹花半壓肩  
此去雋遊縈客夢夢陪笙鶴下瓊田



郝澤民主簿贈詩次韻二首

夫君糠粃視錢神詩逼黃初論借秦義緊咸推天下士  
簿曹聊見宰官身茶香延客自不飽書幣踵門誰可人  
從古功名多晚節相逢雙鬢未妨新

薄宦年來尚轉蓬忍將榮悴問虛中共憐杜老諳為客  
不訝元忠厭作公勝日笑譚方袞袞殘冬光景苦匆匆  
棋枰得雋詩反水誰信吾徒舊諱窮

再次前韻二首

解纜征塗一愴神  
房陵十舍望西秦  
苦無勲業裨昭代  
久分江湖著老身  
三楚上遊常定伯  
六朝陳迹渺愁人  
不緣俛仰悲涼甚  
可博臨風得句新

起柁揚帆趁便風  
狎鷗驚鴈水煙中  
裏香薦翫聊隨俗  
計日聽雞等自公  
詩句滌愁收一一  
酒杯澆別悔匆匆  
與君二紀陳雷契  
猶遣時人笑兩窮

登平山堂

平山堂上命琴樽  
前輩風流肯見分  
戀客嬾斜當檻日

藏山不斷隔江雲  
吟牋得意窺天巧  
醉面禁涼減纈紋  
杖策歸來新月上  
落梅如雪點風裊

郢州二首

古郢繁華得少留  
披雲更喜識賢侯  
徑容拱挹侍譚笑  
怪底咄嗟成獻酬  
羅綺香中偷醉眼  
蕙蘭叢裏掉吟頭  
何如白玉堂中客  
試問樽前小莫愁

滿慰人間渴雨心  
未收雲靄定為霖  
憐渠沾水論涓滴  
況我行舟苦滯淫  
已漲麥田千里碧  
更添沙料一篙深

小軒會指晴山去布穀提壺各好音

春日客中二首

平時謾說醉為鄉對景今如石作腸老去猶興客中歎  
春來剛制酒邊狂露桃煙柳為誰好蜂蜜燕泥徒自忙  
紅紫打圍歌笑地暮年多感怕思量

芳時已歎鬢毛斑何況棲棲客路間杯酒故人千里隔  
錦囊著語一春閑燕鶯飛處頻回首桃李香前合厚顏  
昨夜東風貸庭竹少容歸夢到家山

石城

山巖水繚石為城千古餘風尚典刑  
競詫君王啓藍縷不無艇子載娉婷  
流連猶問圭堪秘兆朕虛傳蜜作萍  
更惜讒鋒發蘭尚祇今日月炳騷經

次韻程帥遊習池三首

牙齰猶容後乘追枕書不出此何時  
香飄玳席千花塢影倒粧光百子池  
詩句肯藏捫虱手仙曹容著牧羊兒  
回思行李冒塵土更喜百憂偷一嬉

后山百憂  
間一嬉

清明勝賞尚容追不減觴浮曲水時坐覺晴雲戀歌扇  
看供吟筆瀉天池春光有底遽如許酒量勉添些子兒  
可但大堤民氣樂啼鶯語燕共嬉嬉

青編勛業笑談追千載生賢瑞聖時竹帛會書河似帶  
封疆不止漢為池玄譚日屬王平子妙語心輕謝客兒  
來歲賞花應帝所賡歌宣勸倍歡嬉

春雨贈陳主管

初宵微月尚窺簷雨脚斜斜曉入簾春謝歡悰風處減

愁將老色鏡中添，頗思甫里陪觴詠。  
不歎周南更滯淹，倚賴宗盟慰牢落。  
得閑詩筆未妨拈。

陳主管招隱

時納婦

鵲拳庭竹語頻頻，忽有書來寂寞濱。  
盛事許同花燭夜，芳辰仍醉綺羅春。  
璧聯香閣初鳴鳳，霞泛仙觴定脯麟。  
更辦歸裝攜珠玉，一時人物各詩人。

山行寄程帥

雨餘支徑濕平沙，恰稱卑官下澤車。  
雜樹暝煙森立槩，

亂峰迎客儼排衙  
水禽時弄蹁躑影  
野草爭開細碎花  
久憶山行此如願  
不應回首更思家

次日再次韻三首

山行風色怒飛沙  
山末屯雲湧砲車  
伏軾不容同蝶夢  
問炊猶可赴蜂衙  
龜魚泛淥熹晴日  
草樹留春著晚花  
暮憩自憐塵滿面  
五漿先饋定誰家

微吟緩步愜晴沙  
聊謝悵悵載婦車  
時遣貫貂邨店酒  
回思縛虎長官衙  
春山好著屏中色  
吟筆誰添錦上花



不妨習池風月主只今何處問詩家

鷗雙鷺隻傍汀沙却匯沙汀過客車清吹解撩叢竹嘯  
高山如受衆峰銜寒生碧澗懸魚網潤著蒼崖賸土花  
所惜隔牆紅紫滿行行無暇訪山家

穀城道中

何許珠襟繡袂娘額黃眉粉自新粧野芳貪折髻丫重  
蝴蝶亂隨羣幅香緩唱采菱空答響小留挑菜翠盈筐  
漢風未許休喬木行客相逢莫漫狂

再次習池詩韻寄程帥二首

南園勝絕真堪畫，邊上誰為李伯時。  
山納嫩嵐侵密坐，花駢紅影闌清池。  
吟牋傳遍鴛鴻友，舞袖輕于翡翠兒。  
東府西州皆四黼，若為長伴酒邊嬉。

春意垂垂如我老，客懷領畧欠當時。  
條驚鷓鴣鳴清晝，便有蜻蜓點碧池。  
酒榼相過但溪友，錦囊餘幾問廬兒。  
芳辰渠盡人離索，苦念從公秉燭嬉。

次韻寄王帥屬

才華奔逸可能追我識王郎自壯時酒處每看鯨吸海  
書成還想墨為池窮交徒自憐東野孰看于今敬道兒  
莫靳詩筒數還往人生何處不兒嬉

次韻寄陳主管

軺軒七十曉相追記得張園叙拜時香襯蕙蘭來北里  
雲隨笙鶴燕仇池朋簪重盍寧人力貧仕居卑聽化兒  
祇冀幕蓮分數韻詩壇棋社與閑嬉

諸公邀留不及赴次前韻寄謝

一失濃歡悔可追故人應念獨醒時回思翠幕圍香霧  
定復長虹起硯池照應鼎來聯壁客風流羞死聚蚊兒  
當時枉重千金諾不見芳辰卜夜嬉

次韻謝程帥復遊習池見寄二首

名園壯觀還前日禊事追遊可後時試問繡筵張綠野  
何如詩客到昆池綺羅香外鷺偷眼花柳稀間鳥哢兒  
定許此民同此樂春城無處不嬉嬉

風流羊杜不勞追况復輕裘緩帶時醉倒莫孤桃李月

詔歸恐便鳳凰池政傳西域中和頌筆跨東京大小兒  
我亦抄詩支郡去公餘吟玩取娛嬉

復次韻寄程帥二首

節物匆匆可挽追直須樂事趁芳時行春條喜花園屋

借景何殊月在池

南昌當官借景未妨  
民恰似鑿池取明月

對酒不無桃葉

女扣舷却笑木腸兒山家有約須重到定放遊人張水

嬉

人家襖被競攀追刺史春遊正此時羯鼓聲中花作錦

壺籌多處酒為池絕須絲竹娛安石賸有篇章付雪兒  
聞道續貂容下客老無佳句坐荒嬉

畱交代韋倅

山城老稚競攀轅况復官曹辱後先敢愛一樽追笑語  
未妨五日作畱連天香國色配顏去渭北江東把臂前  
已辨明朝開煮酒絲桐小置式微篇

觀山刑鵝夜歸

巢鵲枝蠅已罷鳴風聲露氣可勝清人諳淺瀨安然度

月隔高林未肯明，却亂宿雲尋去路。  
漸因更鼓辨孤城，誰知歲事關心切。  
翻憶衝泥傍險行。

禱雨鳳凰山二首

跨鳳西來得好山，千年人與鳳俱還。  
本規法席專蘄絕，先遣山靈鑿捍頑。  
聞道碧泓嚴水印，或請雨于龍龍見  
日帝印封水不敢

取試攜清醪闖雲關，此心炯炯龍應識。  
莫遣歸塗更厚顏。

人心神理未交孚，敢愛微軀走道塗。  
雲氣滿山空夢永。

秧畦夾澗就焦枯罷羸眼看號庚癸感格吾猶愧鼓桴  
老去憂民心易折龍公高卧得知無

病起二首

吏民兩兩議公癡簿領空勤笑語稀元亮有詩新止酒  
休文多病不勝衣飛塵嬾拂孤三絕止水初澄悟百非  
憲度涼颼殘午夢閑聽喜鵲啁斜暉

即病偷閑却自怡坐憑竹几獨多時銅爐煙畔熏風度  
藥臼聲中晝漏遲政自腐腸嚴酒戒不應了事悔兒癡



淨名文惠誰優劣為問沾沾造化兒

寄高郵僧

門巷蕭然草不鋤小軒祇置兩團蒲  
惟師表表叢林秀眷我涼涼山澤臞  
晨飯每同三韭陋夜棊常辦百籌輸  
一書未負西飛翼滿寄清風到座隅

苦雨

連月奔趨禱雨壇即今積雨厭濛濛  
蒼天信自有時漏后土不知何日乾  
坐想田疇淪沼沚忍聞升合換羅紈

縱陽援溺知無術慙愧身為撫字官

客次小憩

竹屋深明許息肩田家延客解欣然霜枝高掛蘗虬卵  
風砌初搖白玉錢得飽祗疑珠作粒汲深仍詫乳為泉  
譚間更笑狂沮溺政復知津未是賢

騎過山村

煙村面勢枕蒼山一徑循山作屈蟠入望高幢羅翠密  
掛空匹練啖清寒吟髭撚白迎風去粧面駢紅倚戶看

頗似騎驢后山老倩誰粉墨洒豪端

杜母

杜母遺芳豈遠求田功誰比此邦優麥隣桑隴疑淮左  
近水遙山似秀州樓識景疎知俗美亭因思孟各風流  
我來眷眷淳庵處比屋嬉嬉路載謳

次韻程帥二首

帥二子未之識到襄陽二公是日成行因帥有詩次

其韻

滿懷披霧慰生平到日音容隔暮城想見舟中留郭泰

可能酒處欠公榮  
韋家相業應門戶  
謝氏才華況弟兄  
愧我攜兒在塵滓  
寸田塊壘望茨京

人間塵不到籌邊  
詩老乘閒思湧泉  
千佛香名仍世繼  
一燈素業自家傳  
斗城一去嗟多病  
賓幕重登便半仙  
要看諸郎各行馬  
染鬚膏面計留年

再次韻

門第應疑甚不庭  
翩隨府檄下山城  
江梅作意先秋折  
檻菊多情擅晚榮  
飲處凝香嚴畫戟  
客間張丈間殷兄

主賓縹緲蜚埃外信有人間小玉京

從公囊筆看西邊不比分弓出酒泉  
觴詠每忘秋漏永平安晏有夕烽傳  
痼腸頓已蜂腰病妙手親逢鶴背仙  
歸將霜鬢詫兒子為翁試校故新年

再次韻

橫前整整萬全兵自笑空拳借背城  
更遣齊竽混東郭坐令鵠卵化南榮  
黃陳得法仍宗派甫白論情自弟兄  
顧我無能鄒賈役放公筆力擅西京

因詩衰病顧徒然鑿井今猶未及泉藥幻霜鬚端有待  
囊緘玉唾愧無傳冥心擬學無言子授訣今猶不老仙  
探妙衛生俄兩得信知穠蔘解逢年

再次韻小雪餘言別

是日小酌

舞霏飛霰鬧中庭已辦持盃聽渭城漢水襄山驟漂忽  
早梅晚菊自枯榮雪神作意凌風伯客子歸途待日兄  
蹀躞霜蹄從踣鐵穿林蹠石賦于京

語別詩翁玉塵邊已催歌舞壓香泉日陪色笑庸何取

橐攜篇章敢浪傳還舍騰書銀筆字今朝猶是玉壺仙  
后山幸自坡公客誰遣離懷愴暮年

江湖長翁集卷十四



欽定四庫全書

江湖長翁集卷十五

宋 陳造 撰

七言律詩

送詩陳惠伯

惠伯求所居三詩  
既為賦作此送似

危樓深室桂為堂題品端宜虎豹章  
歷數諸公皆大手尚須此老索枯腸  
馳神幾夜層虛上血指如今妙斷傍  
聊復送君供覆瓿未須傳到鄭公鄉

襄陽賦秋日江梅菊花

秋香冬艷各時宜  
巨怪花神令出奇  
金菊正含霜曉秀  
江梅不待雪寒期  
帽歌同伴龍山醉  
詩到終嫌驛使遲  
陶杜當時儻經目  
定并東閣賦東籬

次韻程帥二首

平時渭北與江東  
文會賓筵幸許同  
政使遲遲嗟去魯  
未應咄咄遽書空  
抄詩奚翅無瑕璧  
會意俄乘在下風  
搏扶搖風  
斯在下更喜朝來賓鴈足  
陽春封寄客塗中

從昔文章蓋代翁  
言間有物自無同  
娟妍徒玩花含露

灑落還驚月印空底許賤工慙擢矢信知妙斷有成風  
古今一印元呈露要在神融領會中

次韻言懷

房陵回首望淮東物土人情未易同比屋蜂懸人帶癭  
亂山戟立勢凌空汗鰕共饜川人食簡朴仍存太古風  
破我殘年七百日盡拋詩卷酒盃中

次韻記別程帥穀城旅夢

金翹搖曳玉丁東賓主依然醉笑同舊事忽隨殘漏斷

新愁不逐曉雲空挑燈旋拂穿帷雪攬轡還禁逆帽風  
回首夢魂飛到處壺公窟宅五雲中

梁教病起

側聽長須得好音笑譚已復替呻吟逃知二豎今無地  
仇想三彭亦就禽定免帶圍憂沈約可須檄手待陳琳  
尚須十日安岑寂酒聖詩愁恐未禁

上外朝山

度隴凌坡冒百艱今朝又上外朝山當車狼石通人過

交道飛蘿要手攀猿坐沉寥猶嘯詫鴈驚巉絕故飛還  
臨風却快塵埃眼全楚山川指顧間

過八疊山

路入于平舒倦眼襄陽佳處亦班班燒香峴好思三峴  
八疊山高似萬山喜此經行無雨阻向來遊覽坐天慳  
山靈定笑貴野鶩默遣歸求邦域間

馬息山

猿蹊鳥道且攀躋暝靄頑蒼只尺迷狼石忽開防地裂

屯雲不散訝天低眼高欲了三千界夢斷猶驚七百梯  
回望故山真可指杜鵑腸斷為誰啼

寄鄉中親友二首

棋酒遊從歎離羣犯床吟筆漫飛塵潮乎可奈才力老  
甫也尚為南北人安信不隨秋鴈到流年倏復野梅新  
南崗北阜憑高地引首吳天幾愴神

坐衙隨分吏分行退食還先藥探囊已為河魚廢詩酒  
彊教籠鳥聽宮商老猶苟祿寧良計病悟休心是秘方

想見親朋遲歸楫為翁補漏斲空荒

賀程帥因任四首且言久缺詩筒之意

恩綸蜚下漢江濱特許襄民借寇恂千里江山皆動色  
列城條教再生春灌瓜夙稔安邊策茹草寧無待哺民  
方倚金城親邵父近君寧惜小逡巡

詩律寧惟似變風姓名久矣御屏中逢辰千載合致主  
入夢九華仍挿空鐵甕倚聽新號令銅蹄終舞舊兒童  
煩欒叶氣成豐歲却簞臯夔侍舜瞳

肯優裏峴劣南徐行止平時每裕餘荷紫端宜冠鴛鷺  
飛黃猶似顧蟾蜍緬懷夜燭賡清唱況許春郊載後車  
從此追陪得如願重分膏馥澤空虛

先生一筆將詩壇度價珠璣底坐慳平日鷗盟當未憚  
于今鴈足每空還傳抄可但聞平水老瘦從知笑飯山  
緩帶輕裘祇常日千篇破竹定乘閑

再次韻答程帥高機宜四首

自分迂愚著海濱諸公薦力漫忱恂摧頽晚境空多感



局縮窮山亦再春故里歸耕雖有約中田敬饁遂無人

何由消破愁千斛甓社春濃莫計巡

甓社春吾鄉酒名

名德誰今挺古風人嗟汲直合居中揮毫有物鬼落膽  
與世無心雲度空倚聽金鑾拜新渥又煩竹馬走羣童  
貝宮風露鼇峯月行矣輝華映兩瞳

高郎筆勢未姑徐千紙珠璣欬唾餘春興漂蕭陵野馬  
夜窓清絕冰去聲金蜍諸公交口傳黃絹蜚詔褒賢定赤

車亦使窮山拜嘉惠衰翁擊節正馮虛

倒海翻湖袖手觀  
揆予才思坐天慳  
愁攻心折仍無賴  
債壓頭低不辦還  
坐想賡酬聯白璧  
祇令翹企仰高山  
拙疎却喜便衰病  
贏得蕭齋盡日閑

正仲和帥屬被盜二首

衣囊絨繒竟胡為  
祇與偷兒便挈攜  
髻重得無猜祖珽  
壁亡遮莫議張儀  
館人求屨古未免  
有力負山人得知  
不用經營辦春服  
舊紉蘭芷扈玄離

向來忠信倚垣牆  
誨盜如今坐慢藏  
望意漫言疑聖智

奇文不合吐光芒玉川空屋遭窺瞰子敬青氍毹果在亡  
賴有平生千牘在未妨攜載作歸裝

贈高司理

窮鄉洗眼挹清揚凜若重登月旦堂驥子鳳雛端不苟  
吏能儒業况兼長簡孚首解秋茶密甃積仍熏古錦香  
我亦床頭一經在自公正欲共平章

再用前韻贈高司理共八首

少年場裏獨鷹揚他日懸知玉作堂小試問囚窮兩造

徐看載筆擅三長得詩遽眩珠璣爛玩味還疑齒頰香  
風月無窮才不盡坐須喬木擁千章

帥幕羣才賴激揚衰遲猶喜後升堂雷封局縮聊償債  
衮字褒嘉但寸長再試真成不龜藥九言終佩辟邪香  
龍門夢斷誰知己幾誦桑阿賦末章

衰宗如此況他揚碌碌諸雛欠肯堂薄宦幽憂殊未醒  
故園歸夢可勝長盃盤頓頓家鷄嫩翁媪嗚嗚社酒香  
猶記比鄰笑行客夏畦龍斷為金章

詩語庸非自播揚流傳朋舊定哄堂儒書授老空成癖  
舞袖平生不解長黃鳥啄殘丹杏顆清風搖動綠筠香  
山城寂寞便吾嬾劣勝精神弊句章

俗裏毫絲起抑揚請君時閉讀書堂渭清肯混涇流濁  
鳧短徒憂鶴脰長千載流傳防造次百年表立要馨香  
了知此印君堪付過眼尤涼忽報章

蘇李宗風我舉揚少陵公按子開堂官曹此地文書省  
詩社從今日月長山滴曉煙收後翠蓮漂天女戲時香

可孤賁餅分彊韻正使銅花溢印章

腰錢幾夜夢維揚上雨傍風祇此堂人笑鉏刀那用割  
自知韞線豈能長課詩壇畔獨飛動問字人來且碧香  
徑欲披衣還舊隱二天寧久溷蘇章

帝旅曾觀武事揚如君文勢整堂堂了知一筆無前古  
坐遣諸生喪所長丹桂高攀霄漢迥捷書西下姓名香

貝宮鼇禁應餘地看展平生補袞章

君方從舉子闕  
倅有桂華闕

故末章  
祝之

病起閒步

暝綠園亭小雨晴  
病翁雙眼為誰明  
柳如張緒不殊昔  
竹與子猷相對清  
門下烏烏無客到  
壁棲蛇蚓又詩成  
回頭溪友千山阻  
更向何人話此情

寄師文二首

時悼亡室

世塗豈必盡籠囚  
自是迂疎拙應酬  
簿領嬰心寧素志  
夢魂何日不滄洲  
揆吾溫飽兒堪託  
平昔行藏婦與謀  
已判來年拂衣去  
寄言亟辦釣魚舟

萍梗漂浮已老翁歸來差樂未終窮稻田取足隨豐歉  
花圃逢春自白紅禪老版頭容客飽臧孫鬲足秣牆東  
更聞名酒新傳法詩外棋邊莫放空

次韻什邡馬主簿二首

陶謝前蹤一筆追掀天聲價舊風馳瑞時不數九文羽  
換骨疑殮三秀芝蜚電燭巖方左席明珠照乘忽清漪  
裏創嘗欲凌堅陣可諱含毫不自持

紛紛過眼甚螽斯膽掉驚逢驥騄馳獻替付君溫省樹



朝脯還我故山芝  
荆江蜀棧聊舒嘯  
卷耳思齋正採詩  
回首定傳天上信  
囊荷知傍紫皇持

再次韻馬主簿二首

後詩餞其行

冥搜成癖漫勤斯  
緬想騷人正坐馳  
點化今逢萬金劑  
神奇蒸出九華芝  
三吳才雋應焚硯  
萬里風煙盡入詩  
盍與元劉論伯仲  
未容郊島更矜持

左顧衰翁底取斯  
轉頭歸馬又西馳  
賸催阿買抄新藁  
大勝齋房紀瑞芝  
樂歲人家皆有酒  
高秋天氣總宜詩

霜花露菊留迎客預戒西成省控持

再次韻二首

飽食頻頻祗鷓斯可堪迅景隙駒馳不逢猶是桐為弩  
當價胡寧菌作芝天籟寂時三弄笛楚山窮處四愁詩  
將壇可復宜衰病此柄須君為主持

歷塊飛黃可得追加鞭十駕浪驅馳不應猗頓懷周璞  
敢向天仙話土芝晚傍涪翁觀落筆了知高叟固為詩  
謬為恭敬吾何取政恐龍泉有倒持

偕章宰勸農房山

登臨一擬豁心胷著我松窓竹屋中  
宛是官曹縛雕虎  
不容塵眼到飛鴻  
綿延天際應平碧  
孤負林梢抹嫩紅  
俛仰去年舒嘯地  
解衣聊復近熏籠

簷外雲深雨合圍  
此行不歎始謀非  
對君便是蘇端過  
把酒曾無御叔譏  
紅濕烟郊思散策  
寒欺病骨旋添衣  
了知未盡山陰興  
共作衝泥傍險歸

簡章宰二首

蕙蘭洲北觀山頭未暇尋盟訪舊遊自笑春來多病過  
靜無人處但詩愁遙知聯轡窮幽勝更想簪花勝獻酬  
報答東風應得句奚奴亟肯寄儂不

縹緲雲藏羽客廬不妨尋勝小踟躕夷載酒鶯花處  
古錦囊詩簿領餘百和風輕吹欲醉萬山嵐凝對憑虛  
譚間定笑衰慵客竹屋高春尚枕書

上巳溪上燕二首

後溪分占羽觴浮雷隱歡聲半棹謳況我開官似犀首

為渠領客作鰲頭  
玻瓈影裏粧光膩  
桃李香中步障留  
病骨得晴堪近酒  
與君同拜醉鄉侯

杜若洲邊卓旆旌  
佳晨一醉萬金輕  
春光僅有一分在  
天氣可能三日晴  
解道蘭亭亦陳迹  
肯吟楚些愴幽情  
人生到處皆兒戲  
笑看爭標鬪兩鯨

試柘枝溪上

是日晴色  
衆客喜甚

蕙風花氣雨餘天  
報答融和玉作舡  
舡壯歲自能鸛鵲舞  
老狂猶有柘枝顛  
羣鴻翩度昆明錦  
雙鳳翔從玉井蓮

起我少時豪俠興未甘詩客號臞仙

次韻答許推章宰二首

喬雲非霧靄飛浮滿聽遊人載路謳  
痛飲君能判濡首  
新翻我亦辦纏頭羽觴瀲灩風微度  
翠蓋踟躕晚尚留  
且倩銀鈎寫陳迹未須詩律壓劉侯

北來青翼導霓旌翩若凌雲鶴馭輕  
烟柳困眠纔寤曉  
露花酣醉正熹情獻之能賦雖辭罰  
楚客同醒恐不情  
豪興尚堪追少雋漏卮灌酒鱸長鯨

再次韻答節推二首

透幕穿簾香霧浮行雲低影傍清謳遊人是處歌鼓腹  
佳客伴翁吟掉頭令節可孤三日醉歸期猶有一春留  
詩壇酒會容先軟莫問將軍老不侯

虧成久不撓心旌老閱人間百事輕却笑平生甘淡薄  
每緣行樂問陰晴羽觴錫粥同春事卧醉行歌見俗情  
擊鉢更遭強敵困可能赤手控奔鯨

再次韻答許節推二首

禊事罷覺飲過度強起  
遊觀山小雨尋止因節

推有贈用韻答  
之兼簡知縣

起依筇竹似桴浮改就新詞却自謳囊錦斬關聊袖手  
酒兵推戶且扶頭東風已拆紅躑躅碧樹更啼黃栗留  
醒醉醉醒殊未沫不應通守羨通侯

步屨巉巖屏騎旌松風茵露為誰輕已無桃李擅春事  
忽有烏鳥啼晚晴羽客不妨同水厄宿醒端解敗詩情  
開緘又拜同寮賜錦段中含掉尾鯨

再次韻四首

三公再和復成四詩道歸  
休意且謝所貺亦以譚詩



新釀開缸綠蟻浮舊辭仍缺唾壺謳宦塗要處難插手  
詩社叢中常引頭倒載肯陪山簡醉反關莫厭孟公留  
秋田粗可供佳客不比封君亦素侯

翰墨場中對抗旌黃陳一筆萬鈞輕武安屋瓦秋輦震  
湘水波光夜月晴沮洳求魚真自笑渚涯向若倍馳情  
吾生恨落任公後不見投綸掣海鯨

尸祝代庖良過矣即今坐嘯免譟謳陶朱計食魚萬尾  
景畧有兒牛十頭甫里過從勞夢寐輞川歸去忌遲留

大弔一弛吾通袖冷看逢蒙中射侯

韻語聯翩到浚旌楚珩非重夜光輕吟成品物回春態  
誦處東風放曉晴抖擻錦囊娛我老滌除愁斛見君情  
固應詩膽驚無本刺手霜牙摩怒鯨

梁教授次柘枝詩韻再和

洞裏鶯花別有天為渠蘸甲上金船舞姝貪看塵生鞮  
飲興渾忘雪滿顛弄影競垂三昧手倚風疑裊五枝蓮  
廣寒再閱霓裳罷笙鶴飛來未是仙

書懷

人間窮達命污隆作意功名欲捕風但見劉班誤車子  
何曾鄧禹笑王融官曹得飽餘何事書課乘閑亦雋功  
少待蓴鱸付張翰一溪風月放船蓬

次韻高幾宜送別

棋枰詩課憶同堂轉首暄寒幾蒨章每歎羈離念陳迹  
更因衰病感流光亟催江鷁休停棹已信溪禽不亂行  
魚鰕芋區真好在連宵歸夢為誰長

士價如君定玉堂陳陳腹笥漢文章即今綵筆春爭媚  
它日青藜夜有光詩力不勞凌汝輩才名況自溢班行  
清篇見屬吾何取愧闕辭壇闕寸長

再次韻謝惠詩

仍敘  
不敏

百鎰贏金數仞堂何如盥手頌佳章奪胎信自非凡劑  
獻佛當知便放光斤運向來車合轍影斜還惜鴈分行  
衰年離緒誰禁得鏡裏新絲莫計長

小家茨竹即為堂暇訪深林索豫章平日牀頭但周易

看人筆落便靈光  
庠隆賦質嗟多樣  
良楮論材要當行  
莫向黔婁問奇貨  
長沙舞袖可能長

贈黃國器二首

予仕窮山故人黃國器亦奔走  
湖湘予官滿相值鄂渚敘舊喜

甚約連舟東  
歸二詩贈之

交情凜凜久彌堅  
遊舊何人似子賢  
別去漂零各天末  
喜今譚笑復樽前  
德人政用寬幽獨  
歸路胡宜更後先  
彈壓山川須妙語  
不妨排日為君編

簿書叢裏久囚拘  
鷗鷺羣邊忽自如  
白傅已甘多病過

安仁況復悼亡餘歸田且辦充腸米遮眼非無插架書  
如子功名方迫逐未應偕我問樵漁

過伏龍祠

蜀棧荆江志未酬兩京直擬笑譚叟僅容孱后存鄼祀  
誰遣東吳解魏仇制敵豈應無法正為謀不合有譙周  
伏龍祠上長烟靄憤氣堂堂恐未休

武昌

客子脩程未息肩江山佳處小留連醉臨庾亮樓前月

夢闌回翁洞裏天形勢盤縈蹲虎鳳輪蹄隱軫度絃絃  
登高欲賦還東望楚些無因喚謫仙

歸歟老秋

已辦求田問舍謀登臨那復更悲秋  
蠃肥與客爭先把稻熟催兒徹  
晚收霜後峯巒添峭措波間鷗鷺劇風流  
寰中勝處天應惜付與癡兒秬暗投

宿何人家

步尋松篠款谿舂忽到孤山處  
士家十頃蒼鱗漾墻角

一鉤寒土挿簷牙  
杯行不乏紅絲餚  
飯了仍供白露芽  
把臂傾舒吾已怯  
又分離緒上歸槎

次韻張司戶

鴈汭解后張  
有詩見惠

橘頌精靈雜遠遊  
如君信是古詩流  
吳門肯問鱸魚膾  
東武當營燕子樓  
有底揮毫挾風雨  
定知貯腹盡陽秋  
即看珥筆鴛鸞右  
莫漫江城詫狎鷗

他日猶能說宦遊  
老禁多病厭漂流  
近臨西蜀窺鮫室  
舊傍東溟看蜃樓  
歸計已嗟霜蠨晚  
吟聲閑伴候蟲秋



塵冠徑欲留神武萬頃蒼茫漾白鷗

凌晨復有惠急筆次韻

小駐江干接雋遊渭清涇濁可同流假真笑我陳驚坐

造妙推君趙倚樓姓字已高時輩上功名尤忌鬢毛秋

等閑莫學金華伯碧水如天擬夢鷗

山谷詩夢作白鷗  
去江南水如天

仕塗決矣息交遊姑向林泉訪勝流短褐直甘乘下澤

異鄉終勝賦登樓驚心夢境檀槐戰屈指鄉園秫稻秋

雉翳龜焦緣有用未聞金彈中沙鷗

贈四子二首

龔澤卿傳商卿臧子與子儀  
追送子至維揚作此贈之

峩峩冰港僅通舟策策霜風透重裘  
良為子來真好事小留君住得銷憂  
可無譚笑傳觴處賸有烟雲洒筆頭  
保社相娛倚公等暮年干祿判悠悠

交遊過眼亦班班四子聲猷豈易攀  
百里來羞長翁臚片言仍解相公顏  
事乖雅意疇忘歎我已南驅子北還  
繼此開樽講德處定知矯首向雲山

次韻雪詩

林郎中宴八客七客皆朝彥  
出春雪詩軸因口占次韻

欺梅瀉竹透承塵  
熒侮東風似妬春  
匝地閭閻皆種玉

插空樓觀忽鎔銀

坡云鎔銀百頃湖

窓明尚憶耽書夜  
身曲誰

憐旅食人親見飛仙下  
瑤檢諸公居處與天鄰

再口占次韻

林舍人伴射得賜銀對客云此錢已盡未能觴客俟置一姬託當尋

盟

君家朱閣隔踰塵  
可欠賓筵蘭蕙春  
橫草定銘鞬汗石  
穿楊新賜上方銀  
幾時醜酒招嘉客  
不假傾囊得麗人  
莫坐風慳仍雨溢  
祗將詩筆詫無隣

次曾左司韻贈俞德瑞

時俞買妾

班荆同冒軟紅塵一種東風兩樣春  
雋飲放君顏似赭幽居憐我鬢如銀  
簡編自誑供良夜要襟渠今有  
好人把酒若歌歸緩緩不妨折簡喚東隣

次韻答德瑞

詩客曾襟舊絕塵  
惠然分我一絨春  
裁成蜀國添花錦  
貴重丹砂伏火銀

坡謝二孫詩養火雖未伏要是丹砂銀

暮雨朝雲知有

夢瓊枝壁月可無人要須共醉彭宣酒  
莫諉忘情宋玉

隣

再次韻贈俞德瑞

前後共  
三首

珠軒綉轡香塵回首西湖羅綺春便合行歌訪花柳  
可辭買笑費金銀清吟自屬當千客勸醉那無第一人  
肯學孤山舊居士平生詩酒祇僧隣

孰知妙語析微塵細寫都城浩蕩春向我能分趙城壁  
為君還缺唾壺銀平時宦路甘違俗投老詩聲更後人  
杓鑿推敲有砭劑不勞千萬得芳隣

襟袂猶縑客路塵攀追強踏帝城春落身窮僻才全壁  
敵已遊從半佩銀枉却近臣開薦口頗嘗內地著癡人  
君看捉筆青燈夜得句歡呼聒四隣

送張文昌帥豫章二首

倚俟新年轉化鈞畫方三接徑抽身平時但有凝香夢  
盛世那無勇退人滕閣賓筵時可醉金華詩令看重新  
盍思遠邇商霖望不但淮鄉有涸鱗

張文潛云補外之  
樂發於夢寐故后

山贈詩時平身早  
達未用夢凝香

談間賓客重宣州到後兒童敬細侯  
薤本擊彊休領擘  
崇陰問俗見風流  
湖連市屋疑豐樂  
江遶城闔似石頭  
鷗鷺要盟公莫信  
江湖祇許半年留

行都夜歸

燈火通衢苦未稀  
望仙橋外獨歸時  
風梳御柳娟娟淨  
月傍觚稜故故遲  
隱地輪蹄忘夜旦  
幾家樓閣不金絲  
時平睿澤天無外  
帝力何曾爾輩知

次韻同年諸公環碧敘同年會

天瓢挹注拱仙官更閱詩仙錦繡端離合不忘車笠誓  
留傳當並畫圖看玄譚想有蛟龍聽得醉仍均客主歡  
俛仰謫仙三百載從知樂事繼今難

東坡云謫仙後  
三百年無此樂

再次韻

春意溫然侍上官松醪更勸語更端行厨賸遣黃頭載  
下客何曾白眼看傑在漢庭方眷注功將周室更祇歡  
孰知未至慈恩舊老境猶歌行路難

又次韻



聚首論年不計官寥寥故事復開端俯容我輩輸心語  
更遣時流洗眼看庾亮賓筵無盡興昌黎文飲有餘歡  
舍人妙句還新樣白雪賡酬政自難

約徐南卿出遊

前夕雨  
曉枕作

古寺周圍錦樹窠清湖演漾麴塵波偷閑已計三餐反  
敗興其如一雨何政復小孤鷗鷺約未妨來校魯魚訛  
春光尚有三之一徐辦蘇隄一再過

時予編惡藁  
南卿每分勞

西林訪銛師

師頗  
能詩

天將宿雨淨春空却著湖山鼓吹中  
載酒言辭藉花伴  
運斤來看斲泥工  
前身師定參寥子  
拙宦吾今張長公  
俛首人間皆長物  
未妨分饗北窓風

約呂徐二友遊淨慈二首

二友簡問行期急筆以告

芒屨明日踏晴沙  
肯學渠儂走狹斜  
天井巷前休倦足  
暗門城外把煎茶  
暫同佛屋僧庖飯  
徐訪姚黃魏紫花  
要及錢唐尚留鑰  
共掄吟袂緩歸家

一笑成行不待營  
可無條約諗同盟  
盤飧取飽真君事

杯酒邀歡太俗生  
撥冗得閑殊自樂  
吸光飲淥不勝清  
即今冷眼聚蚊夢  
彼此劣優君試評

再次韻二首

問舟初立柳汀沙  
雲日昇空淥影斜  
詩橐恥隨金埒客  
蔬腸未厭玉川茶  
青湖波外方遊女  
翠幄叢間亦晚花  
小待春歸簫鼓靜  
還容襍被款禪家

塵中誰定免營營  
鷺渚鷗沙且舊盟  
夙世林逋漫千首  
逢人圓澤悟三生  
扣門喜共僧窓飯  
斲句猶能鏡樣清

身世已拋春夢外更於文字措譏評

還王編修詩卷

奕奕長篇間短吟子綦天籟伯牙琴幾人不溺西崑體  
老我親聆正始音得寶渾驚探驪頤換金當復售雞林  
還詩正恐非子助畫易忘飢夜易深

元日訪丁端叔安撫二首

時丁出謁徑行  
留講古一集

幾夜徒勞夢帝宸行貲已橐更逡巡北山祇合追逋客  
南道于今欠主人表表德名當世重堂堂公議有時申

繼今重策冲霄足鶚表胡寧後隱淪


節中應接可辭煩客子回車重慨然比我過秦應一笑  
想君出峽富千篇前知此別非久別定復新年勝故年  
紅藥紫薇方次第莫占風色問春田

次韻王編修二首

作詩還王詩王  
有詩次韻謝之

落手新詩吮復吟自甘壁角掛枯琴祈光已吸金莖露  
張野俄聆帝樂音療我平生風雅渴放君高步雋英林  
人間夢想珊瑚樹龍護靈湫萬仞深

老誓捐書斷苦吟君苗筆硯戴遠琴因君又試推敲手  
揆我終慙繳繹音漫作蠹魚飡朽策倏聽鸚鵡語中林  
闕臺盤客曾丁字碧酒留賓聽淺深



江湖長翁集卷十五